



## Vita de ploania y de paisc

- **20 C + M + B 19:** en **jöbia ai 3 de iener** jará i **Trei Resc** fora por nostes ciasas por porté la Bona Noela da Nadé y a damané do ofertes por proiec de solidarieté.
- **Teater d'La Pli:** l'Uniun Teater ten sôa **sontada generala** en sabeda, **ai 5 de iener** ales 20:30 tl'Ostaria Sotrú. Düc chi co á enteres da gní pa la uniun é bel enviés.
- **Batadú:** le Consei de Formaziun d'La Pli envieia düc der bel al tradizional batadú en Santabogna, **ai 6 de iener**, ales 14:30 (do espi) jö Sotrú.
- **Sas dla Crusc 2018:** chi co oress meter val' articul o retrat te Sas dla Crusc (corinca dla Val Badia 2018) é der bel periés da contaté Ingrid Willeit, ☎ 334 8507649 o [ingrid.willeit@hotmail.com](mailto:ingrid.willeit@hotmail.com). I geniturs dai nasciüs dal 2018 residenc a La Pli co oress meter na fotografia dal möt/dla möta tla cronica y co n'é nia ciamó gnüs contatés é bel periés da se lascé adentene pa Ingrid Willeit.



## enformaziuns y termins

→ **“Diözese Pilgerfahrten 2019”:** sön plates a pert ciafeise le program dai iadi por sanc dla diozeja. Le program é ince taché fora dan dlíja.

**Sessiun forestala 2019:** i Verdabosc d'Al Plan lascia alessei che la sessiun forestala por l'ann 2019 gnarà tignida por döt le Comune de Mareo, en dedemesaledema **ai 9 de iener** ales 20:00 tla ostaria Sotrú a La Pli.

### Gottes Licht

*Gottes Licht umhülle euch,  
Gottes Liebe umfange euch,  
Gottes Macht schütze euch,  
Gottes Gegenwart wache über euch,  
wo immer ihr seid - sei Gott, und alles ist gut.*

### A düc cane en Bun Ann de benedisciun, sanité y fortuna!

<b>Döt le bun a:</b>	Anna Maria Erlacher	* 30.12.1935
	Pire Erlacher, Uttenheim	* 01.01.1944
	Albert Vinzenz Pedevilla, Bornech	* 05.01.1933
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



VAL BADIA  
[www.unitepastorala.org](http://www.unitepastorala.org)

Ann C

30.12.2018 - FESTA DLA SANTA FAMILIA

n. 5

## Signur, daüresse le cör, ch'i ascutunse les parores de to Fi. Alleluia!

📖 1 Sam 1, 20–22.24–28 | 1 Jan 3, 1–2.21–24 | Lc 2, 41–52

### Dal Vangelo do San Lüca:

<sup>41</sup>I geniturs de Gejú jea vign'ann ala festa de Pasca sö lerúsaalem. <sup>42</sup>Canch'al á complí dodesc agn, ésaí endô jüs sö, desch'al ea üsanza por la festa. <sup>43</sup>Canche i santus ea passés, s'ái endô motü sön tru da jí a ciasa. Le möt Gejú endere ea romagnü a lerúsaalem zonza che i geniturs s'an ess anadé. <sup>44</sup>Ai minâ ch'al foss enzai pa i peregrins y á fat n iade de n de; spo l'ái chirí danter i parenc y conoscenc. <sup>45</sup>Mo canch'ai ne le cía fá nia, ésaí endô jüs a lerúsaalem a le chirí danló. <sup>46</sup>Do trei dis l'ái cía fá tal templ; al ea sonté amesa i maestri ete, ti ascutâ pro y fajea domandes. <sup>47</sup>Düc chi che l'aldia se fajea demorveia por sôa intelionza y por söes respostes. <sup>48</sup>Canche sü geniturs l'â odü, s'ái fat der demorveia, y sôa oma ti á dit: Möt, co podêste pa nes fá cösc? To pere y iu t'án chirí plens de pora. <sup>49</sup>Y el ti á dit: Ciodi m'eise pa chirí, ne sâse nia ch'i messi me dé jö con ci co é de mio Pere? <sup>50</sup>Mo ai ne capî nia ci ch'al orea dí conchel. <sup>51</sup>Spo él jü empara derevers a Názaret y ti stea sotmetü. Sôa oma mantignia ci co ea sozedü te so cör. <sup>52</sup>Y Gejú cherscea de sapionza, eté y grazia dan da l'ido y la jont.

### Oraziun dal de

*Periun! Signur, nosc Dio, tla Santa Familia nes aste scinché n ejempl lominus: dáí a nostes families la grazia de vire tal timur de Dio y de sté liades adöm tal amur, ch'i rounse deboriada tla comunité eterna te töa ciasa. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.*

(Lezionar C)



📖 *Letöres dla gran festa de Santabogna:*  
**Is 60, 1–6 | Ef 3, 2–3a.5–6 | Mt 2, 1–12**

Edema liturgica dai 30.12. ai 06.01.2019

<b>DOM 30.</b>	<b>FESTA DLA SANTA FAMILIA</b> 08:30 <b>gran messa</b> por dōta la ploania 10 y 18 <i>s.m. a Al Plan</i>	<i>Felix I., Richard</i> <i>oferta por i debojūgns dla ploania</i>
<b>Lön 31.</b>	7° de d'otava da Nadé   <i>Silvester, Melanie, Alan</i> 19:30 <b>s.m. prefestia</b> de rengraziamont dal ann passé <b>s.m.</b> por †† Carlo y Maria Kehrer, Mone	
<b>Ded 01.</b>	<b>OTAVA DE NADÉ, GRAN FESTA DE S. MARIA OMA DE DIO</b> 08:30 <b>s.m.</b> ciantada en onú y de rengraziamont a S. Maria Oma de Dio ♫ <i>Charles Gounod, "Missa brevis in C"</i>	<i>Nanü, De mondial dla pêsc, Wilhelm</i>
<b>Dem 02.</b>	18:00 <i>Basile le Gran y Gregor da Nazianz, Dietmar, Mariana</i> <i>s.m. a Al Plan</i>	
<b>Jöb 03.</b>	→ 08:00 <b>s.m.</b> por † Nazio Erlacher, Cargá, <b>s.m.</b> por †† Willeit, Cianoré <b>al ven mené fora i Trei Resc</b>	<i>Sant'Ennom de Gejú, Genofefa - de d'oraziun do vocaziuns</i>
<b>Ven 04.</b>	→ 18:45 <b>pröm vendres - Angela da Foligno, Angelica, Roger</b> <b>signor ploan va a proveder</b> 19:30 <b>poscibilité da se pissié</b> <b>s.m.</b> por † Maria Rubatscher ved. Crazzolará, La Sala <b>s.m.</b> de rengraziamont dal aiüt, <b>funziun al Sacher Cör</b>	
<b>Sab 05.</b>	18:00 <i>Milia, Emiliana, Emilie</i> 19:30 <b>s.m. prefestia</b> por † Lois Pedevilla, Soröa <b>s.m.</b> por † Massimo Topran Cutin, La Pli → <b>benedisciun dal ega y dal se</b>	<i>s.m. prefestia a Al Plan</i>
<b>DOM 06.</b>	<b>GRAN FESTA DE SANTABOGNA, APARIZIUN DAL SIGNUR</b> 08:30 <b>gran messa</b> ciantada por dōta la ploania <b>s.m.</b> en onú de S. Maria dal Aiüt <i>oferta por i debojūgns dla ploania</i> 14:00 <b>espi da festa</b> y benedisciun eucaristica 10 y 18 <i>s.m. a Al Plan</i>	<i>Casper, Marciun, Baldessé, beata Gertrud</i> <i>Ignaz Reimann, "Pastoralmesse in C"</i>
<i>ampola:</i>	por † Paola Brandlechner	
<i>ministronc:</i>	▶ da doman y domegna: Francesco Obojes y Rosina Konrater ▶ da sera y domegna: Alexander Comploi y David Willeit	
<i>i recordun:</i>	Jep Morlang, <i>Al Plan</i> Thekla Baldissera ved. Oberbacher, <i>Al Plan</i> Erlacher Irma, <i>Balsan</i>	+ 30.12.2013 + 31.12.2009 + 05.01.2015



Rapimont, sciampada o proiec demorveia? (Lc 2, 41–52)

**I ponsi do**

*Por Gejú él tler cal co é le fin de sōa presenza sōn cōsc monn: realisé le proiet che Chelbeldio ti á sorandé y fá tresfora sōa orenté; y nia ne dess le tigní sō te cōsta misciun!*  
*Al n'é nia val' de miú co podei vire l'esperionza de familia sce an proa da chirí y da odei deboriada ci che Chelbeldio ô da vignönn de nos. Ensciö pōn se daidé cherí, tla plena liberté, ci co é le miú por vignönn.*

**I preii ensciö**

Te n'as ben combiné na grana, caro Gejú. Te to post ne l'essi tignida fora gnanca en n'ora. Ci fajessi pa iu zonza mia familia? Ince sce valiade mo vegnel enmont ch'ara mo stái te tru y i ne speti engnó l'ora ch'i pói ester lede. Mo canche i ne l'á nia dlungia mo máncera der: l'atenziun dla oma y sū amonimonc, la desponibilité dal pere y sōa vidlada valiade sceria y stancia; al m'ancrec cinamai do mia so, ince sce ara mo va valiade sōi nerv.  
Mo empó él val' plü de gran y de vei, y de chel ne pó gnanca la familia perfeta fá a manco. Tō s'al deides recordé, Gejú, da en chel de che t'es sté zonza pere y oma: se dé jō con les cosses de Dio Pere.  
Scínchesse, Gejú, na familia co é bona da meter Chelbeldio al pröm post, arjignada a s'ensigné da fá sōa orenté; na familia co se scinca momonc de liberté y de amur por ch'i podunse cresce bun y gní sterisc, generusc y despobili desche tō es corsciü sō con l'aiüt de Maria y de Ojep.

**Rengraziamont**

L'Ann dal Signur 2018 slüj les portes y ti fej lerch al Ann das Signur 2019.  
L'ann passé á porté ligreza y benedisciun: families á podü abracé pices creatōres, jogn y jones s'á dit de sciö por la vita tal matrimone. L'ann passé á ince porté dolurs y crusc por la mort co á tlocheré a porta: i tolun pert al dolur y recordun i defunc t'oraziun.  
Y de döt sides rengrazié Chelbeldio y la Comunité.  
Trepes porsones se met a disposiziun tal laur pastoral dla comunité: i conseis de ploania y les desvalies uniuns, les mognes, chi co tin les Zelebrazziuns dla Parora de Dio, i leturs y i ministri dl'Eucaristia, les porsones co fistidieia dl'alté y che la dlijia sii bela neta, chi co daür vigne de la dlijia, chi co fej con competenza la plata de ploania, i ministranc lezitonc y chi co i acompagneia, chi co condüj la Schira Jonila, chi co fej le "Schaukasten", chi co fistidieia dles cosses dla dlijia, chi co ciara do ala cortina, al Cor de dlijia y ala Musiga y nia da desmoncé la jont atompada y i püri por sōa oraziun y ai familiars co i fej le guern, a düc i benefaturs, en cört a düc chi co fej n sorvisc por la vita de ploania.  
En Bun Ann con sanité y benedisciun, serenité y contenteza, fortüna y benedisciun a dōtes les families y porsones d'La Pli, pici y gragn, jogn y atompés. Che Chelbeldio Ves acompagneii!  
*Signor Heinrich, ploan*